

Mencungkil Potensi Murid Berkeperluan Khas (MBK) Melalui Karnival Permainan Pendidikan Khas Peringkat Wilayah Persekutuan Labuan Tahun 2019



Labuan, 3 Sept – Karnival Permainan Pendidikan Khas Peringkat Wilayah Persekutuan Labuan Tahun 2019 telah diadakan bermula 27 hingga 29 Ogos 2019 bertempat di Kompleks Sukan Wilayah Persekutuan Labuan.

Seramai 189 orang Murid Berkeperluan Khas (MBK) dari Program Pendidikan Khas Integrasi, Guru-Guru Pendidikan Khas dan Pembantu Pengurusan Murid (PPM) Pendidikan Khas melibatkan enam sekolah yang menawarkan Program Pendidikan Khas Integrasi (PPKI) menyertai karnival ini.

Sekolah-sekolah yang menawarkan PPKI di sekolah Wilayah

Persekutuan Labuan adalah SMK Lajau, SMK Mutiara, SK Pekan Satu, SK Bukit Kalam, SK Ranche-Ranche dan SK Pantai.

Karnival ini adalah bertujuan untuk mencungkil bakat Murid Berkeperluan Khas (MBK) dalam bidang sukan dan permainan dan seterusnya melahirkan atlet yang terdiri daripada MBK yang boleh diketengahkan ke peringkat negeri atau kebangsaan.

Antara pengisian Karnival Permainan tersebut adalah melibatkan Pertandingan Futsal, Badminton, Bocee dan Petanque.

Pertandingan Futsal yang diselenggarakan oleh SMK Lajau telah diadakan pada 27 Ogos 2019 bertempat di Gelanggang Futsal, Kompleks Sukan Labuan. Manakala Pertandingan Badminton bagi kategori Perseorangan dan Bergu pula diadakan pada 27 dan 28 Ogos 2019. Pertandingan Badminton ini telah diselenggarakan bersama diantara SK Pekan Satu dan SK Pantai.



PPKI Sk Pantai dinobatkan sebagai johan Futsal sekolah rendah

Manakala Pertandingan Badminton bagi kategori Perseorangan dan Bergu pula diadakan pada 27 dan 28 Ogos

2019. Pertandingan Badminton ini telah diselenggarakan bersama diantara SK Pekan Satu dan SK Pantai.

Pertandingan Bocce kelolaan SK Ranche-Ranche dan SK Bukit Kalam telah diadakan pada 28 Ogos 2019 dan melibatkan semua MBK yang dikategorikan sebagai MBK Berkefungsian Rendah.

Manakala SMK Mutiara pula menyelenggarakan Pertandingan Petanque yang melibatkan penyertaan daripada MBK, Guru dan PPM Pendidikan Khas. Pertandingan Petanque ini telah diadakan pada 28 dan 29 Ogos 2019 bertempat di Gelanggang Petanque, Kompleks Sukan W.P. Labuan

Majlis Perasmian Penutupan Karnival Pendidikan Khas Peringkat W.P. Labuan Tahun 2019 yang telah dirasmikan oleh Encik Raisin Saidin, Pengarah Pendidikan W.P. Labuan telah berlangsung pada 29 Oktober 2019 bertempat di Ruang Legar *My Park*, Kompleks Sukan Wilayah Persekutuan Labuan.



Encik Raisin Saidin ketika menyampaikan ucapan Penutupan Karnival Permainan Pendidikan Khas WP Labuan 2019

Majlis ini turut sama dihadiri oleh Puan Mahanum bin Fauzi, Pengarah Jabatan Belia dan Sukan, Puan Maimoon

binti Matnoh, Ketua Sektor Pengurusan Sekolah, Encik Afandi bin Nasir, Penolong Pengarah Unit Pendidikan Khas, Pengetua, Guru Besar dan Penolong Kanan Pendidikan Khas serta guru-guru dan MBK PPKI di keenam-enam sekolah.

Dalam ucapan Encik Raisin Saidin pada majlis tersebut, beliau mengingatkan kepada semua individu yang terlibat secara langsung atau tidak langsung pada anak-anak MBK, sama ada Guru, Ibu Bapa atau komuniti masyarakat, supaya sentiasa mencari peluang untuk mencungkil bakat dan potensi MBK dalam apa-apa bidang yang bersesuaian dengan mereka.

Beliau juga berharap program ini mampu memupuk keyakinan diri kepada MBK supaya boleh bersaing dengan rakan sebaya yang lain.

Berita Oleh : Cik Maznah Embran, Sektor Pengurusan Sekolah

27 Kertas Kajian Tindakan Dibentangkan Di Kolokium Kajian Tindakan Peringkat Wilayah Persekutuan Labuan 2019



Labuan – SATU Kolokium

Kajian Tindakan Peringkat Negeri W.P.Labuan telah diadakan pada 23 Ogos 2019 di Bahagian Teknologi Pendidikan Negeri (BTPN) Labuan. Kolokium Kajian Tindakan ini merupakan satu program khusus untuk para pemimpin sekolah dan guru-guru yang telah menyertai Bengkel Kajian Tindakan menggunakan Borang Inovasi 12 Langkah.

Bengkel Kajian Tindakan menggunakan Borang Inovasi 12 Langkah ini telah dijalankan sebanyak 2 fasa iaitu Fasa Perancangan & Pelaksanaan dan Fasa Penyediaan Slaid Pembentangan. Di dalam fasa 1, sebanyak 4 siri bengkel telah dijalankan iaitu siri 1 pada 31 Januari, siri 2 pada 18 Februari, siri 3 pada 26 Februari dan siri 4 pada 4 Mac. Manakala di fasa 2 pula, sebanyak 2 siri bengkel telah dijalankan iaitu siri 1 pada 4 & 5 Julai dan siri 2 pada 19 Julai 2019.

Borang Inovasi 12 Langkah yang digunakan dibengkel ini adalah borang inovasi yang dihasilkan oleh Puan Suriani Alland Oxley, School Improvement Specialist Coaches (SISC+) Labuan.

Borang Inovasi 12 Langkah ini merupakan borang yang mengandungi 12 soalan mudah bagi membantu peserta menjana idea mereka dalam menyelesaikan isu pengajaran dan pembelajaran (P&P), pengurusan panitia dan kepimpinan sekolah melalui strategi kajian tindakan.

Strategi kajian tindakan bukan sahaja dapat membantu meningkatkan kualiti pedagogi, pengurusan dan kepimpinan guru dan pemimpin sekolah malah kajian tindakan membantu meningkatkan tahap profesionalisme mereka melalui amalan pembelajaran sendiri yang berilmiah.

Selain itu, kajian tindakan juga merupakan satu kaedah yang boleh dijadikan rujukan kerana kajian tindakan menyediakan data dan evidens sahih mengenai proses perubahan amalan pedagogi, pengurusan dan kepimpinan guru dan pemimpin sekolah yang terbaik.

Seramai 34 orang pembentang yang terdiri daripada 3 orang pengetua dari S.M.K Labuan, S.M.K Taman Perumahan Bedaun dan Sekolah Antarabangsa Labuan, 3 orang Guru Besar dari S.K Bebuloh, S.K Pantai dan S.K Tanjung Aru serta 28 orang guru dari Pusat Tingkatan 6 S.M.K Labuan, Penolong Kanan Kurikulum S.M.K Taman Perumahan Bedaun, S.K Bukit Kalam, S.K Layang-Layangan, S.J.K(C) Chi Wen, S.K Pekan Satu, S.K.K S.K ST Anne, S.K Pantai, S.K Pekan Dua, S.K Lubok Temiang dan Sekolah Antarabangsa Labuan telah membentangkan 27 kertas kajian tindakan di kolokium ini.









Gambar-gambar sekitar kolokium kajian tindakan

Selain daripada berkongsi dapatan, kajian tindakan para pembentang juga turut diberikan penilaian bintang emas, perak dan gangsa yang dinilai oleh 4 orang juri iaitu Puan Khaziyati Osman (Ketua Sektor Jaminan Kualiti) merangkap ketua juri, Puan Maimoon Matnoh (Ketua Sektor Pengurusan Sekolah), Encik Hasbollah bin Amit (Ketua Sektor Pengurusan Pembangunan Kemanusiaan) dan Encik Awang Marten bin Hj Abdul Rahman (Ketua Penolong Pengarah BTPN).

Sebanyak 8 kertas kajian tindakan telah diberikan bintang emas, 13 bintang perak dan 6 bintang gangsa di kolokium ini.

Majlis perasmian penutupan dan penyampaian sijil Kolokium Kajian Tindakan Peringkat Negeri W.P.Labuan telah disempurnakan oleh Tuan Raisin Bin Saidin, Pengarah Pendidikan Wilayah Persekutuan Labuan. Turut sama dimajlis ini ialah para jemputan yang terdiri daripada para pemimpin sekolah dan guru-guru di Labuan.



Encik Raisin Saidin berucap semasa majlis perasmian penutupan Kolokium Kajian Tindakan

MPSM LABUAN Sertai Kolokium Kajian Tindakan Peringkat Negeri 2019



Labuan, 24 Ogos – Dua pengetua telah mewakili MPSM membentangi di dalam Kolokium Kajian Tindakan Peringkat Negeri yang telah diadakan pada 23 Ogos 2019 bertempat di Bilik Benua, Bahagian Teknologi Pendidikan Negeri (BTPN).

Encik Ismail Abdullah, Pengetua SMK Labuan yang juga merupakan YDP MPSM Labuan telah membentangi kajian tindakan bertajuk Meningkatkan Amalan PLC Dalam Kalangan Guru di SMK Labuan Dengan Menggunakan Strategi 'I-LEAD'.

Menurut beliau, strategi 'I-LEAD' telah berjaya meningkatkan pelibatan guru dalam menjadikan PLC sebagai medium meningkatkan kualiti PdP dalam kalangan guru di SMK Labuan. Strategi ini juga telah memberi impak positif dalam meningkatkan prestasi akademik di SMK Labuan secara keseluruhan.

Puan Hajjah Jijah Mohamad Suhai pula membuat pembentangan bertajuk 'Practice Makes Perfect' dalam kolokium ini. Beliau merupakan pengetua di SMK Taman Perumahan Bedaun.

Dalam pembentangan tersebut beliau memberi fokus kepada kaedah terbaik meningkatkan kefahaman dalam kalangan murid Tingkatan 5 berkaitan tajuk 'Bumi Sebagai Sfera'.

Sebelum pengenalan kaedah ini, murid-murid yang lemah menghadapi kesukaran dalam menguasai kandungan pembelajaran tajuk berkenaan. Beliau berusaha dari semasa ke semasa membuat kajian dan penambahbaikan dalam kaedah PdP dan akhirnya tercetus inovasi yang dinamakan 'Practice Makes Perfect'.

Hasilnya, pembelajaran murid di dalam mata pelajaran matematik tingkatan 5 terutamanya tajuk 'Bumi Sebagai Sfera' telah menjadi lebih mudah untuk difahami dan penguasaan murid meningkat.

Kolokium anjuran Sektor Jaminan Kualiti, Jabatan Pendidikan W.P.Labuan ini pertama kali seumpamanya diadakan susulan daripada empat siri bengkel kajian 12 langkah Kajian Tindakan yang telah dikendalikan oleh ikon inovasi negeri Cik Suriani Alland Rice Oxley.

Kajian Tindakan yang dihasilkan oleh Encik Ismail bin Abdullah dan Puan Jijah Mohamad Suhai telah berjaya dianugerah pingat perak oleh para juri. MPSM berasa bangga dan mengucapkan tahniah atas pencapaian yang diraih oleh kedua-dua pengetua tersebut.

Perasmian penutupan kolokium kajian tindakan telah disempurnakan oleh Encik Raisin bin Saidin, Pengarah Pendidikan Jabatan Pendidikan W. P. Labuan.

Turut hadir dalam majlis ini ialah Ketua-ketua sektor, para pengetua dan para guru besar semua sekolah di Wilayah Persekutuan Labuan termasuk LIS.

Berita Oleh : Encik Mohd Nizam Yasim, Pengetua SMK Mutiara



Encik Raisin Saidin (duduk tengah), Puan Khaziyati (kiri), Encik Ag Marten (kanan) bersama peserta kolokium

**Perhimpunan Bulanan JPWPL,
Ogos 2019 : Anugerah Wira
Muda Bangkit Semangat dan
Mengangkat Martabat Murid**



Labuan, 21 Ogos – Jabatan Pendidikan Wilayah Persekutuan telah mengadakan Perhimpunan Bulanan bagi bulan Ogos 2019 bertempat di Bahagian Teknologi Pendidikan Negeri, hari ini.

Empat orang murid telah mendapat Anugerah Khas Pengarah bagi bulan Ogos 2019 iaitu Anugerah Wira Muda yang disampaikan sendiri oleh Encik Raisin Saidin.

Anugerah Wira Muda ini merupakan anugerah yang julung kali diperkenalkan oleh Encik Raisin Saidin bagi memberi pengiktirafan kepada murid yg telah mengharumkan nama Labuan di persada antarabangsa.

Adik Mohd Miniezam bin Maswandi dari SK Tanjung Aru telah muncul sebagai Johan Kategori Heavy, umur 10 hingga 12 tahun bagi acara Sparring di Kejohanan *Malaysia Open International Taekwondo Championship 2019* yang berlangsung di Bukit Kiara Kuala Lumpur.

Adik Mohd Daniel Hakim bin Matdaim dari SM Sains Labuan telah dinobatkan sebagai Johan Deklamasi Puisi peringkat

kebangsaan anjuran Dewan Bahasa dan Pustaka Sempena Pertandingan Koakademik Bahasa Melayu dan Program Bakat Tunas Remaja Peringkat Kebangsaan yang berlangsung pada 23 Julai lalu.

Adik Elmus Zechary Tonduyuk Salibun dari SM St Anthony telah terpilih sebagai Pengerusi Majlis Perwakilan Kanak-Kanak Kebangsaan bagi sesi tahun 2019-2021.

Seorang lagi Wira Muda bagi bulan Ogos telah dianugerahkan kepada adik Arhadin bin Prome dari Sekolah Sukan Malaysia Sabah.

Encik Raisin Saidin mengucapkan syabas dan tahniah kepada Adiwira Muda dan berharap anugerah serupa dapat dilaksanakan di sekolah. Sesungguhnya setiap murid mempunyai nilai tersendiri dan pihak sekolah seharusnya dapat menggilap bakat dan potensi murid di sekolah masing-masing.

Kelaziman, acara dimulai dengan nyanyian lagu Negaraku, Maju dan Sejahtera diikuti dengan bacaan doa dan Ikrar Perkhidmatan Awam serta Integriti Perkhidmatan Awam.

Seterusnya, pelancaran Program Meningkatkan Kesedaran Kesejahteraan Psikologi Guru #3A peringkat Wilayah Persekutuan telah dirasmikan oleh Encik Raisin Saidin, Pengarah Jabatan Pendidikan Wilayah Persekutuan Labuan.



Pelancaran Program Meningkatkan Kesedaran Kesejahteraan Psikologi Guru #3A

Cikgu Shamsuria Ebni Penolong Kanan Hal Ehwal Murid, SKK Sekolah Kebangsaan ST Anne telah dinobatkan sebagai Adiwira Guru bagi bulan Ogos 2019.

Persembahan khas jemputan pengarah oleh murid-murid SMK Taman Perumahan Badaun telah menghiburkan warga jabatan yang hadir dengan membawa persembahan angklung.

Sempena pelancaran Pendidikan Sivik Peringkat Kebangsaan baru-baru ini,

Encik Raisin Saidin tidak lupa mengingatkan para Pengetua dan Guru Besar agar

sentiasa berusaha menanamkan Pendidikan Sivik dalam diri anak murid. Peranan

dan tanggungjawab sekolah mengenai pendidikan amat dituntut bagi melahirkan

generasi maju yang prihatin dan berdisiplin.

Di akhir majlis, Tayangan Video Ucapan Perdana Menteri semasa pelancaran Pendidikan Sivik Peringkat Kebangsaan telah dipertontonkan kepada para hadirin.

Perdana Menteri Tun Dr Mahathir Mohamad berharap Pendidikan Sivik yang mula dilaksanakan di sekolah sejak

Jun lepas akan membentuk masyarakat dan individu yang bertanggungjawab, prihatin dan bertimbang rasa kepada pihak lain.

Dalam hidup bermasyarakat, katanya sifat-sifat itu amat penting bagi memastikan setiap individu tidak melakukan sesuatu yang memburukkan keadaan di sekeliling mereka.

"Dengan itu, percayalah negara kita akan menjadi negara yang maju, bersih dan dipandang tinggi oleh masyarakat dunia," Tun Dr. Mahathir Mohamad

Majlis ditutup dengan nyanyian beramai-ramai lagu Tanggal 31 Ogos 2019 sempena sambutan Hari Kebangsaan 2019.



Adiwira Guru bagi bulan Ogos 2019, Cikgu Shamsuria



Sambutan Hari Jadi bulan Ogos 2019 kepada Encik Azlan Sugianto

Borang Kajian Tindakan 12 Langkah Dibentangkan Bangkok



01 – 02 Ogos 2019 – *School Improvement Specialist Coach (SISC+)* W.P.Labuan, Suriani Alland Rice Oxley telah membentangkan kertas penyelidikan beliau bertajuk *Using '12 Steps Form' In Conducting Action Research And It's Impact On Teachers' Continuous Professional Development* di *Universal Academic Cluster International August Conference* , SM Tower, Bangkok. Konferens yang bertemakan *academic & multidisciplinary* ini telah dianjurkan oleh Walailak University Coordination Unit, Thailand.

Sebanyak 18 kertas penyelidikan telah dibentangkan dikonferens sehari ini. Para pembentang terdiri daripada ahli ilmiah dan pakar dalam bidang masing masing yang datang daripada pelbagai universiti seperti University of Agriculture, Faisalabad, Pakistan, Don Mariano Marcos Memorial State University, Philippines, Cadi Ayyad University, Morocco, *The Hang Seng University of Hong Kong*, Khon Kaen University dan Maejo University, Thailand, Indonesian Defense University, Cairo University, Egypt, Middle Technical University, Iraq, Pusan National University, South Korea, University of Cape Coast, Ghana, Tshwane University of Technology, South Africa serta Universiti Kebangsaan Malaysia termasuk wakil tunggal dari Jabatan Pendidikan

W.P.Labuan.



Konferens ini memberi peluang kepada semua ahli akademik dan penyelidik dari seluruh dunia berkongsi kepakaran dan pengetahuan serta bertukar-tukar pendapat. Melalui konferens ini juga, para peserta dapat bersemuka dan berkenal-kenalan antara satu sama lain dan seterusnya mewujudkan jaringan akademik dengan mereka yang datang dari pelbagai institusi pendidikan serta dari pelbagai negara.

Kem Bina Juara Anjuran

Sektor Pendidikan Islam



Labuan, 10 Ogos – Seramai 100 orang murid dan 19 orang guru dari seluruh sekolah rendah sekitar WP Labuan telah menjayakan Kem Bina Juara (KBJ) peringkat WP Labuan bagi tahun 2019 di Pusat Kokurikulum Negeri pada 6 hingga 8 Ogos yang lalu. Program KBJ ini adalah anjuran Sektor Pendidikan Islam, Jabatan Pendidikan Wilayah Persekutuan Labuan.

Penyelaras Program ini ialah Ustazah Sitti Rahimah binti Yusuppu (Penolong Pengarah Perancangan dan Pembangunan Pendidikan Islam).

Program ini telah dihadiri oleh murid-murid yang berpotensi dalam bidang Al-Quran, Khat dan Bahasa Arab. Murid-murid yang terlibat dibahagikan kepada tiga kumpulan besar.

36 orang murid terlibat dengan Modul Tahsin dan Tarannum Al-Quran, 31 orang murid bagi Modul Jawi dan Khat, dan 33 orang murid lagi dengan Modul Bahasa Arab (Hiwar).

Murid-murid ini telah dibimbing oleh fasilitator yang mahir dalam bidang masing-masing. Fasilitator adalah

dalam kalangan guru-guru sekolah rendah sekitar WP Labuan dan 2 orang fasilitator jemputan dari Jabatan Agama Islam (JAWI) Labuan iaitu Ustaz Tahang bin Chongo bagi Modul Tarannum dan Ustaz Mohd Fadhil bin Abdullah bagi Modul Khat.



Latihan Dalam Kumpulan Modul Jawi dan Khat



Latihan Dalam Kumpulan Modul Tahsin dan Tarannum Program selama tiga hari ini dilihat memberi impak yang besar kepada murid-murid. Menurut Ustazah

Anfal binti Amir (Kem Komandan KBJ) **“Para peserta mampu menunjukkan bakat dalam bidang masing-masing, setelah mengikut LDK selama 3 hari.”**

Program KBJ juga telah memilih peserta terbaik bagi setiap modul. Bagi Modul Tahsin dan Tarannum, Peserta Terbaik Lelaki ialah adik Muhammad Aisy Hafiy khairullah bin Harma Hazizi dari SK Sungai Bedaun yang telah dibimbing oleh Ustaz Tahang bin Chongo dan Ustaz Zulkornain bin Ahmad.

Manakala Peserta Terbaik Perempuan ialah adik Puteri Nurbuhairah Binti Norazlan dari SK Bebuloh yang telah dibimbing oleh Ustaz Nawawi bin Ejai dan Ustaz Mohd Firdaus bin Yahaya.

Seterusnya bagi Modul Jawi dan Khat , Peserta Terbaik Lelaki ialah Adik Mohammad Aiman Ramadhan Bin Haliman dari SJK (C) Chi Wen, murid ini telah dibimbing oleh Ustaz Mohd Fadhil bin Abdullah dan Ustazah Khamisah binti Ismail dan Peserta Terbaik Perempuan pula telah diberikan kepada Adik Dayang Shaidatul Atirah Binti Saamsul dari SK Patau-Patau yang telah dibimbing oleh Ustaz Zulkarnain bin Ali dan Ustazah Norhafizah binti Lamudin.

Bagi Modul Bahasa Arab (Hiwar) pula peserta terbaik Lelaki diberikan kepada adik Muhammad Ammar Afi Bin Azlan dari SK Pantai, yang telah dibimbing oleh Ustaz Ciptho Wiryawan @ Mohd Ikhwan. Peserta Terbaik Perempuan pula diberikan kepada Anis Hamraa Hazimah Binti Taufik dari SK Kerupang yang telah dibimbing oleh Ustazah Sanisah binti Zulkile.



Penyampaian Hadiah Peserta Terbaik oleh Ustaz Mohd Syahir kepada Adik Muhammad Aisy Hafiy Khairullah, disaksikan oleh Ustazah Sitti Rahimah dan Ustaz Sahrum.

Menurut Ustazah Sitti Rahimah binti Yusuppu (Penolong Pengarah Perancangan dan Pembangunan Pendidikan Isam) Penyelaras Program KBJ, **"Alhamdulillah, semua peserta memberi maklumbalas yang positif. Saya sangat bersyukur dan berterima kasih kepada semua yang menjayakan program ini, Urusetia, Kem Komandan dan penolongnya, Barisan Fasilitator, murid-murid serta ibu bapa yang sangat komited"**. Katanya semasa majlis penutupan kem tersebut.

Ketua Sektor Pendidikan Islam, Ustaz Mohd Syahir bin Mohd Yusof turut merakamkan ucapan tahniah dan terima kasih kepada Jawatankuasa KBJ, para fasilitator, yang memberikan sepenuh komitmen bagi menjayakan Kem Bina Juara ini.

“Sekali lagi ucapan tahniah dan terima kasih dari Sektor Pendidikan Islam buat semua yang terlibat secara langsung atau tidak langsung dalam menjayakan KBJ 2019”. Katanya dengan penuh bangga dalam ucapan perasmian penutupan.

Beliau berharap semoga input yang diperolehi oleh anak-anak peserta melalui kem ini dapat meningkatkan keyakinan diri untuk berkongsi ilmu dengan rakan-rakan lain di sekolah, samada dalam bidang Tarannum, Khat atau Hiwar Bahasa Arab.

Turut hadir, Ustaz Sahrum bin Samlan, Penolong Pengarah Pembangunan Adab dan Nilai, Sektor Pendidikan Islam, Jabatan Pendidikan Wilayah Persekutuan Labuan.

Berita Oleh : Sektor Pendidikan Islam



Latihan Dalam Kumpulan Modul Bahas Arab (Hiwar)



Latihan Dalam Kumpulan Modul Bahasa Arab (Hiwar)



Penyelaras Program KBJ (Ustazah Sitti Rahimah binti Yusuppu) bergambar bersama peserta KBJ



Peserta dari SK Sungai Bedaun merakamkan gambar kenangan Program Kem Bina Juara 2019

**Pengetua dan Guru Besar
Sekolah Hadiri Dialog
Prestasi Negeri Bil. 3,
2019**



Labuan, 6 Ogos – Semua pengetua dan Guru Besar telah menghadiri Dialog Prestasi Negeri Bil. 3/2019 yang telah diadakan hari ini bertempat di Bilik Kiansam, BTPN Labuan.

Dialog Prestasi Negeri (DPN) kali ini memberi fokus kepada kepada 3 daripada 4 Kluster DPN iaitu Kehadiran dan Enrolemen Murid (kluster 1), Pelaporan PBD (kluster 2), Beban Tugas Guru dan TS25 (Kluster 4). Kluster 3 tidak dibincangkan dalam DPN kali ini.

Pengarah Pendidikan, Encik Raisin bin Saidin telah mempengerusi DPN yang turut dihadiri oleh ketua-ketua sektor dan pegawai-pegawai Jabatan Pendidikan.

Di dalam ucapannya, Encik Raisin Saidin menekankan kepentingan pihak sekolah mengenalpasti setiap isu dan melaksanakan intervensi yang bersesuaian berdasarkan senario sekolah masing-masing.

Semua guru disaran mendidik murid secara bersungguh-sungguh dengan amalan kasih-sayang selaras dengan konsep Labuan SUPERB, Guru Sayang Muridnya.



Para Pegawai JPWPL, Pengetua dan Guru Besar dalam Mesyuarat DPN Bil 3

Dalam sesi perbincangan berdasarkan kluster, Encik Raisin Saidin telah meminta maklumbalas segera daripada Pengetua dan Guru Besar berkaitan isu-isu dan data-data yang dibincangkan.

Hal ini adalah untuk memastikan PGB sentiasa mampu merancang dan melaksanakan intervensi tepat berdasarkan data-data di sekolah masing-masing. Input-input yang diperolehi akan digunakan sebagai sokongan apabila menghadiri Dialog Prestasi peringkat Nasional nanti.

Mengulas tentang isu dalam kluster 4 berkaitan kajian beban tugas guru, Encik Raisin Saidin merasa gembira kerana sekolah-sekolah telah berjaya melaksanakan arahan KPM ini dari semasa ke semasa.

Namun begitu, setiap guru mesti boleh membezakan antara tugas tambahan yang membebankan dan tanggungjawab sebagai seorang pendidik.

Di akhir sesi dialog, Encik Raisin Saidin sekali lagi mengingatkan bahawa semua sekolah mesti berfikir dalam

satu kerangka dan halatuju yang sama iaitu ke arah peningkatan kemenjadian murid dan kualiti sekolah.

SKPMg2 juga hendaklah digunakan sebagai alat pengurusan untuk memperbaiki kualiti sekolah secara menyeluruh.

Berita Oleh : Encik Mohd Nizam Yasim, Pengetua SMK Mutiara

JPWPL Jalin Hubungan Dua Hala dengan Negara Jepun



Labuan, 29 Julai – Jabatan Pendidikan Wilayah Persekutuan Labuan telah berjaya mewujudkan hubungan dua hala profesional dalam bidang pendidikan dan pembangunan bola sepak dengan negara Jepun.

Jabatan ini telah dikunjungi oleh oleh Mr Tatsuya Tony Takahashi, *Director* NPO SAM (Save the Asian Monuments), Mr Kojima Takuya, *Senior Coach of Tokyo Football*

Association, Miss Iyama Tomomi, Nursing, medical science and student care teacher, Board member of NPO SAM dan Mr Daichi Baba, pada 25 Julai hingga 28 Julai 2019.

Rombongan telah melawat beberapa sekolah, antaranya ialah SK Sungai Bedaun, SMK Taman Perumahan Bedaun dan SMK Mutiara.

Pihak sekolah telah membuat sesi perkongsian mengenai Komuniti Pembelajaran Profesional (PLC) dan *Science, Technology, Engineering and Mathematics (STEM)*, di samping aktiviti-aktiviti pembelajaran dan pengajaran di dalam kelas.



Rombongan NPO SAM, Jepun, Pegawai-pegawai JPNS, pegawai-pegawai JPWPL bergambar kenangan bersama murid-murid SK Sungai Bedaun.

Di SMK Mutiara dan SMK Taman Perumahan Bedaun, Mrs Iyama Tomomi dan Mr Daichi Baba telah berkongsi kepada para guru berkenaan pendidikan dalam penjagaan kesihatan di sekolah-sekolah Jepun.



Dari kiri Dr Hyginus, Mrs Sally Ann Scott, Encik Mohd Nizam, Mrs Iyama Tomomi dan Mr Daichi dalam perkongsian pendidikan mengenai penjagaan kesihatan di sekolah-sekolah Jepun

Sempena lawatan tersebut juga, satu pertandingan Karnival Mini Liga Bola Sepak antara sekolah-sekolah Menengah di Labuan telah diadakan di Padang Bola Sepak SMK Pantai dan SK Pantai.

Mr Kojima Takuya telah mengambil bahagian sepenuhnya dalam karnival itu dengan memberi dorongan dan sokongan kepada sekolah-sekolah yang bertanding.

Beliau turut memuji kemahiran individu yang dimiliki oleh pemain-pemain sekolah di Labuan tetapi masih banyak ruang untuk diperbaiki terutama dalam permainan berpasukan.

Mr Kojima juga telah berkongsi kepakaran dan pengalaman kepada jurulatih-jurulatih setiap sekolah dalam memperbaiki kelemahan pasukan dan pihaknya bersedia untuk membantu mengembangkan lagi teknik kejurulatihan dan kemahiran para pemain.

Beliau akan membawa para pemain remaja bola sepak di Jepun untuk membuat kolaborasi dan perlawanan persahabatan bagi meningkatkan lagi pembangunan bola

sepak di wilayah ini.



Mr Kojima dan Puan Norazita bersama pemain bola sepak SMK Pantai

Terdahulu, Mr Kojima dan Mr Daichi sempat menyertai pasukan Jabatan Pendidikan Wilayah Persekutuan Labuan dalam perlawanan persahabatan menentang Pasukan Angkatan Tentera Malaysia (ATM), Labuan.



Para Pemain JPWPL dan ATM Labuan



Dari kiri Mr Tony, Mr Daichi, Mr Kojima, Encik Raisin Saidin dan para pemain JPWPL

Pengarah Jabatan Pendidikan Wilayah Persekutuan Labuan, Encik Raisin Saidin ketika ditemui dalam perbincangan antara kedua-dua pihak, mengucapkan terima kasih dan menzahirkan rasa gembira dengan kehadiran para rombongan dari Jepun yang hadir.

Beliau berharap jalinan kerjasama ini dapat mewujudkan hubungan dua hala profesional dalam bidang pendidikan dan pembangunan sepak bola untuk pengembangan profesional guru dan murid antara Labuan dan Jepun.

Perancangan seterusnya dengan membawa pelajar-pelajar daripada Universiti Toyo, Jepun untuk datang berkunjung ke Labuan pada tahun 2020.



Ketika sesi lawatan ke SMK Taman Perumahan Bedaun

Jalanan Pintar JPWPL dan KUPU, Brunei Darussalam



Labuan, 23 Julai – Jalanan kerjasama pintar yang telah terjalin bermula Januari 2019 yang lalu menjadi wadah

kepada kerjasama berterusan antara Jabatan Pendidikan Wilayah Persekutuan Labuan (JPWPL) dengan Kolej Universiti Perguruan Ugama (KUPU) Bandar Seri Begawan, Brunei Darussalam.

Lawatan kerja perkongsian komuniti pembelajaran professional dalam inovasi pengajaran dan pembelajaran (PdP) para pensyarah dan pelajar KUPU bermula 22hb sehingga 25hb Julai merupakan peluang yang sangat berharga kepada warga pendidik di Wilayah Persekutuan Labuan.

Rombongan seramai 17 orang ini diketuai oleh Pensyarah KUPU, Ustaz Dr Zulkifli bin Haji Zakaria.

Dalam beberapa siri lawatan ke sekolah, Pengarah Jabatan Pendidikan Wilayah Persekutuan Labuan, Encik Raisin Saidin telah diwakili oleh Puan Khaziyati Osman, Ketua Sektor Jaminan Kualiti, merangkap Pengurus Program.

Antara sekolah yang dilawati oleh KUPU ialah SK Sungai Bedaun, SK Bebuloh, SK Pantai, SK Tanjung Aru, SMK Taman Perumahan Bedaun. Sekolah-sekolah ini merupakan sekolah yang terlibat dengan Program Transformasi Sekolah 2025 (TS25).



Para Pelajar dan guru didedahkan dengan bahan inovasi yang dihasilkan oleh pensyarah dan pelajar KUPU



Lawatan Perkongsian Inovasi PdP KUPU ke SK Bebuloh Rombongan juga turut melawat Sekolah Menengah Agama, Majlis Agama Islam Wilayah Persekutuan Labuan (SMA MAIWP Labuan) dan membuat sesi perkongsian bersama guru Pendidikan Islam di Wilayah ini.

Pengarah Jabatan Pendidikan Wilayah Persektuan Labuan, Encik Raisin Saidin mengalu-alukan semua ahli rombongan ke pulau yang indah ini untuk lawatan kerja perkongsian

pembelajaran melalui inovasi dan kreativiti pedagogi yang boleh memberikan kepelbagaian bentuk alat inovasi yang boleh membantu guru-guru di Wilayah Persekutuan Labuan.

Inovasi merupakan tindak kerja untuk membina satu perkara atau hasil yang baharu atau membuat satu pembaharuan. Dalam hal ini, sebarang inovasi yang dihasilkan dapat menyemarakkan idea kreatif dalam pengajaran dan pembelajaran di bilik darjah bagi guru serta pengurusan berkesan kepada pemimpin dan pengurus di jabatan dan sekolah.

“Sehubungan dengan kehadiran rakan-rakan pendidik daripada negara Brunei Darussalam, bukan hanya dapat berkongsi kemahiran berinovasi dan berkeaktiviti dalam pendidikan, malah dapat mengukuhkan silaturrahim yang telah sedia terjalin”. Encik Raisin Saidin



Encik Raisin Sadin tertarik mendengar penerangan mengenai Inovasi KUPU oleh Ustaz Haji Roslan

Ketua Sektor Jaminan Kualiti, Puan Khaziyati binti Osman berkata perkongsian ini akan memberi peluang kepada sekolah dan guru-guru Pendidikan Islam untuk menimba ilmu inovasi PdP yang pastinya boleh menambah kemahiran guru sedia ada.

Sementara itu, Ustaz Dr Zulkifli bin Haji Zakaria selaku ketua rombongan mengucapkan ribuan terima kasih kepada pihak Jabatan Pendidikan Wilayah Persekutuan Labuan di atas sambutan dan layanan yang cukup istimewa kepada ahli rombongan.

Besarliah harapan beliau agar lawatan kerja pendidikan ini dapat mengukuhkan lagi jalinan pendidikan antara Malaysia dan Brunei Darusalam serta diberkati dengan silaturrahim berterusan.



Puan Khaziyati (4 dari kiri) dan Ustaz Dr Zulkifli bersama Ketua-Ketua Sektor, Pegawai JPWPL dan Para Pensyarah serta pelajar-pelajar KUPU ketika lawatan ke Jabatan Pendidikan WP Labuan

Sekitar Perkongsian Pintar inovasi KUPU bersama guru-guru Pendidikan Islam di Wilayah Persekutuan Labuan







Sekitar Perkongsian Pintar inovasi KUPU bersama guru-guru dan murid-murid SK Sungai Bedaun





Perhimpunan Bulanan JPWPL, Julai 2019 : Data Kita Tanggungjawab Kita



Labuan, 18 Julai – Jabatan Pendidikan Wilayah Persekutuan Labuan (JPWPL) telah melancarkan Sambutan Bulan HRMIS Peringkat Negeri yang telah dirasmikan oleh Pengarah Pendidikan, Encik Raisin Saidin pada Perhimpunan Bulanan JPWPL bertempat di BTPN Labuan, kelmarin.

Bulan Julai telah dijadikan Bulan HRMIS peringkat kebangsaan bagi mempromosi HRMIS, berkongsi maklumat serta permasalahan, meningkatkan ketepatan data HRMIS dan memperluaskan penggunaan *Business Intelligence (BI)* dalam analisis data HRMIS.

Encik Raisin Saidin berkata semua pemilik kompetensi (Competency Owner/ CO) perlu memastikan data masing-masing dalam HRMIS sentiasa dikemaskini, tepat dan

berintegriti.

Ketepatan dan kesahihan data dalam HRMIS adalah tanggungjawab masing-masing. Saya menyeru semua warga Jabatan Pendidikan Wilayah Persekutuan Labuan untuk bertanggungjawab dengan data yang terdapat dalam HRMIS seperti tagline Kementerian Pendidikan Malaysia iaitu Data Kita, Tanggungjawab Kita. Encik Raisin Saidin

Beliau juga menzahirkan kegembiraan dan tahniah di atas kejayaan Jabatan Pendidikan Wilayah Persekutuan Labuan dengan meraih 5 bintang Anugerah Kecemerlangan Petunjuk Prestasi Utama (KPI) HRMIS bagi tahun 2018.



Anugerah 5 Bintang HRMIS 2018 disampaikan kepada Pegawai Meja Puan Ajiejah

Dalam masa yang sama, Encik Raisin Saidin mengingatkan semua warga pendidikan, masih ada ruang penambahbaikan dalam HRMIS terutama memastikan data adalah sahih dan terkini.

Di majlis yang sama telah diadakan taklimat Pusat Pungutan Zakat (PPZ) Labuan, penyampaian sijil kepada sekolah, surat kenaikan pangkat, sijil dan cenderamata, *staff of the month* dan sambutan Hari Lahir bagi bulan Julai 2019.

Cikgu Roziah Abdul Rahman, guru SM St Anthony telah diangkat sebagai Adiwira Guru Labuan bagi bulan Julai 2019.



Sambutan Hari Lahir Warga Pendidikan Labuan yang lahir pada bulan Julai



Encik Christopher menerima sijil kenaikan pangkat daripada Encik Raisin Saidin



Puan Khaziyati menyampaikan *goodies* Hari Lahir kepada Encik Raisin Saidin



Encik Azizi menerima sijil *Staff Of The Month* bagi bulan Julai 2019